

Peningkatan mendadak dicatatkan bukan sahaja di Kuala Lumpur tetapi juga bandar-bandar lain


FENOMENA GELANDANGAN



Aktivis Kechara Soup Kitchen menyantuni gelandangan di sekitar ibu kota.

MUKA 2, 4, 5 & 6

- Kementerian Wilayah Persekutuan merekodkan seramai 3,326 individu pernah mendaftar masuk ke Pusat Transit Gelandangan dari Februari 2016 hingga Februari 2021.
- Kuala Lumpur catat bilangan gelandangan tertinggi hampir 50 peratus daripada 1,283 orang di seluruh negara diikuti Johor 248 orang dan Sarawak 145 orang setakat PKP tahun lalu.



(24 Februari 2021) Sinar Harian, p. 2

Gelandangan kini masalah negara

Hilang pekerjaan kesan daripada pandemik Covid-19

SHAH ALAM

Isu gelandangan kini menjadi satu masalah nasional sejak pandemik Covid-19 menular.

Ekoran daripada itu, beberapa negeri telah mengambil inisiatif menempatkan gelandangan di pusat transit seperti di Johor, Negeri Sembilan, Pulau Pinang dan Kedah.

Sebuah pertubuhan bukan kerajaan (NGO), Nation of Women National menganggarkan warga kotā yang menjadi gelandangan meningkat sebanyak 20 hingga 30 peratus.

Gelandangan dari luar bandar yang bertambah hanya sekitar lima hingga tujuh peratus.

Rekod daripada Kementerian Wilayah Persekutuan pula menunjukkan seramai 3,326 individu pernah mendaftar masuk ke Pusat Transit Gelandangan dari Februari 2016 hingga Februari 2021.

Menurut Exco Kebajikan Nation of Women National, Suhana Roshandin, sebelum ini gelandangan terdiri daripada mereka yang berhijrah ke bandar namun tidak dapat meneruskan kelangsungan hidup atas pelbagai sebab.

“Tapi semenjak Perintah Kawalan Pergerakan (PKP), kami lihat orang bandar sendiri yang jadi gelandangan disebabkan mereka hilang pekerjaan dan kekurangan makanan,” katanya ketika dihubungi *Sinar Harian* baru-baru ini.

Pada Julai tahun lalu, Menteri Pembangunan Wanita, Keluarga dan Masyarakat, Datuk Seri Rina Mohd Harun

Tinjauan gelandangan di sekitar Kuala Lumpur yang dirakam *Sinar Harian*.

dalam jawapan lisan di Dewan Rakyat memberitahu, sebanyak 23 pusat transit gelandangan telah pun dibuka terutama di kawasan bandar raya dengan 87 peratus penghuninya adalah lelaki.

Katanya, Kuala Lumpur mencatatkan bilangan gelandangan tertinggi hampir 50 peratus daripada 1,283 orang di seluruh negara diikuti Johor seramai 248 orang dan Sarawak berjumlah 145 orang.

Suhana berkata, bantuan bekalan makanan yang diberikan oleh pertubuhan bukan kerajaan (NGO) kepada kumpulan gelandangan di sekitar Kuala Lumpur adalah mencukupi.

Bagaimanapun, menurut beliau, terdapat kekurangan dari segi dana yang diperlukan untuk memberi kursus peningkatan kemahiran kepada gelandangan yang mahu memperbaiki keadaan hidup mereka.

Gaji harian

Sementara itu, Penggerak Dapur Jalanan Kuala Lumpur, Radzi Razak berkata, gelandangan kini diberikan istilah baharu iaitu rakan jalanan kerana kebanyakan mereka kehilangan pendapatan semasa PKP.

“Ada beberapa gelandangan yang kami temui secara bersemuka dan mereka ini datang daripada kumpulan yang kehilangan punca pendapatan.

“Kebanyakan miskin kota ini bergantung kepada gaji harian, jadi apabila pasar dan kedai makan tutup atau kurang operasi, maka mereka hilang kerja.

“Ia adalah kumpulan rakan jalanan yang menunjukkan peningkatan paling banyak semasa PKP.

“Ada juga yang merantau ke Kuala Lumpur untuk mencari kerja tetapi gagal disebabkan sektor ekonomi yang menguncup. Ada juga mereka yang tak mampu lagi membayar untuk tinggal di rumah orang tua,” katanya.

Jelas Radzi, kekerapan jumlah makanan yang diberikan semasa PKP 1.0 mencecah sehingga 400 hidangan seminggu berbanding 100 ke 120 hidangan sebelum perintah tersebut dilaksanakan.

Katanya, buat masa sekarang, jumlah hidangan yang diberikan semakin berkurangan tetapi bagaimanapun ia masih lebih tinggi daripada sebelum PKP dilaksanakan pada Mac lalu iaitu antara

Kes gelandangan di seluruh negara (Januari-Disember 2020)

NEGERI	WARGA NEGARA	BUKAN WARGA NEGARA	JUMLAH
Johor	176	7	183
Kedah	67	17	84
Kelantan	44	17	61
Melaka	83	2	85
Negeri Sembilan	74	4	78
Pahang	222	7	229
Perak	74	0	74
Pertis	32	0	32
Pulau Pinang	329	44	373
Sabah	45	26	71
Sarawak	105	3	108
Selangor	63	88	251
Terengganu	58	13	71
Kuala Lumpur	314	94	408
Labuan		Tiada kes	

Sumber: Kementerian Pembangunan Wanita, Keluarga Dan Masyarakat



SUHANA



RADZI

150 ke 200 setiap minggu.

Radzi berkata lagi, adalah tidak tepat sekiranya masyarakat beranggapan bahawa bantuan yang diberikan kepada golongan gelandangan di ibu kota sudah mencukupi.

“Cukup atau tidak ber-
gantung kepada tempat. Rak-
an-rakan NGO yang me-
mang melakukan kerja ini
biasanya meliputi kawasan-
kawasan berlainan di KL, ada
tempat yang bantuan tidak
dikoordinasi, ada yang ban-
tuan kurang.

“Setakat ini kalau nak
kata berlebihan kurang tepat
kerana ia bergantung kepada
siapa dan cara pemberian
bantuan tersebut,” katanya.

Beliau berkata, terdapat
keperluan untuk semua pihak
memperkemasukan koordina-
si pemberian bantuan kepada gelandang-
an atau kumpulan miskin kota itu.

“Kami dan NGO lain turut memberi
bantuan dan berkoordinasi dalam isu con-
tohnya pastikan mereka dapat akses ke-
pada bantuan kerajaan yang sedia ada
seperti Baitulmal, zakat, Bantuan Priha-
tin Rakyat dan Bantuan Prihatin Nasional.

“Ada juga NGO memastikan mereka
boleh buat aduan MyKad ganti atau
mendapatkan kerja dan sebagainya.

“Sayang apabila mereka tidak men-
dapat akses kepada bantuan kerajaan
yang sepatutnya. Saya yakin kelancaran
bantuan boleh ditingkatkan dengan ko-
ordinasi dan kerjasama NGO dan agensi
berwajib,” katanya.